

描写杏花的古诗100首

1.
粉薄红轻掩敛羞，花中占断得风流。软非因醉都无力，凝不成歌亦自愁。
。独照影时临水畔，最含情处出墙头。裴回尽日难成别，更待黄昏对酒楼。
——吴融《杏花》
2.
日晦随萸荚，春情著杏花。解绅宜就水，张幕会连沙。歌管风轻度，池
台日半斜。更看金谷骑，争向石崇家。——杜审言《晦日宴游》
3.
衡门一别梦难稀，人欲归时不得归。长忆去年寒食夜，杏花零落雨霏霏
。——吴融《忆街西所居》
4.
庭前杏树手亲栽，曾见空花两度开。闻道濛濛烟雨里，乱禽争子落莓苔
。——释元肇《同游归故隐》
5.
萧瑟江梅堕晚风，桃花红尽杏花香。家山不见空回首，一片春愁细雨中
。——吴惟信《乌龙道中》
6.
客路远冲枫叶赤，曲江春待杏花香。——卢龙云《秋晚梁园饯别陈孝廉
兄弟北上分得东字二首·其二》
7.
寄花寄酒喜新开，左把花枝右把杯。欲问花枝与杯酒，故人何得不同来
。——司空图《故乡杏花》

8.
废苑杏花在，行人愁到时。独开新堑底，半露旧烧枝。晚色连荒辙，低阴覆折碑。茫茫古陵下，春尽又谁知。——张籍《古苑杏花》

9.
秋风里许杏花开，杏树傍边醉客来。共待夜深听一曲，醒人骑马断肠回。——戴叔伦《听歌回马上赠崔法曹》

10.
君与田苏即旧游，我于交分亦绸缪。二年隔绝黄泉下，尽日悲凉曲水头。鸥鸟似能齐物理，杏花疑欲伴人愁。寡妻稚子应寒食，遥望江陵一泪流。——罗隐《清明日曲江怀友》

11.
双鸳池沼水溶溶，南北小桡通。梯横画阁黄昏后，又还是、斜月帘栊。沉恨细思，不如桃杏，犹解嫁东风。——张先《一丛花令·伤高怀远几时穷》

12.
春色方盈野，枝枝绽翠英。依稀暎村坞，烂熳开山城。好折待宾客，金盘衬红琼。——庾信《杏花》

13.
一陂春水绕花身，身影妖娆各占春。纵被春风吹作雪，绝胜南陌碾成尘。——王安石《北陂杏花》

14.
南郭烟光异世间，碧桃红杏水潺潺。猿来近岭猕猴散，鱼下深潭翡翠闲。犹阻晚风停桂楫，欲乘春月访松关。几回策杖终难去，洞口云归不见山。——许浑《泛溪夜回寄道玄上人》

15.
南内墙东御路旁，预知春色柳丝黄。杏花未肯无情思，何是情人最断肠。——温庭筠《杨柳八首》

16.

芳树春融绛蜡凝，春风寂寞掩柴荆。画眉卢女娇无奈，龇齿孙娘笑不成。已怕宿妆添蝶粉，更堪暖蕊闹蜂声。一般疏影黄昏月，独爱寒梅恐未平。——元好问《杏花》

17.

迷蝶无踪晓梦沉，寒香深闭小庭心。欲知湖上春多少，但看楼前柳浅深。愁自遣，酒孤斟。一帘芳景燕同吟。杏花宜带斜阳看，几阵东风晚又阴。——吴文英《思佳客·迷蝶无踪晓梦沉》

18.

霓裳下晚烟，留客杏花前。遍问人寰事，新从洞府天。长松皆扫月，老鹤不知年。为说蓬瀛路，云涛几处连。——杨凭《长安春夜宿开元观》

19.

昨日朝天过紫微，醮坛风冷杏花稀。碧桃泥我传消息，何事人间更不归。——建业卜者《题紫微观》

20.

浅浅余寒春半，雪消蕙草初长。烟迷柳岸旧池塘。风吹梅蕊闹，雨细杏花香。月堕枝头欢意，从前虚梦高唐，觉来何处放思量。如今不是梦，真个到伊行。——晏几道《临江仙·浅浅余寒春半》

21.

垂钓绿湾春，春深杏花乱。潭清疑水浅，荷动知鱼散。日暮待情人，维舟绿杨岸。——储光羲《钓鱼湾》

22.

江城开岁风雨频，闭阁不出俄经旬。忽逢国艳带卯酒，坐觉天地无馀春。芳敷正当晨露重，盛丽欲擅年华新。数株敲斜傍山驿，一簇深浅临烟津。徘徊跋马不忍去，只恐飘堕随车尘。念当载酒醉花下，破晓啼莺先唤人。——陆游《杏花》

23.

红花初绽雪花繁，重叠高低满小园。正见盛时犹怅望，岂堪开处已缤翻。
情为世累诗千首，醉是吾乡酒一樽。杳杳艳歌春日午，出墙何处隔朱门。
——温庭筠《杏花》

24.

轻阴池馆水平桥，一番弄雨花梢。微寒著处不胜娇，此际魂销。忆昔青
门堤外，粉香零乱朝朝。玉颜寂寞淡红飘，无那今宵。——陈子龙《画
堂春·雨中杏花》

25.

故国归路赊，春晚在天涯。明月夜来梦，碧山秋到家。开窗闻落叶，远
墅见晴鸦。惊起晓庭际，莺啼桃杏花。——吉师老《题春梦秋归故里》

26.

云色鲛绡拭泪颜，一帘春雨杏花寒。几时重会鸳鸯侣，月下吹笙和彩鸾。
——唐彦谦《无题十首》

27.

贡禹怀书日，张衡作赋辰。杏花开凤辇，菖叶布龙鳞。瑞麦两岐秀，嘉
禾同颖新。宁知帝王力，击壤自安贫。——李峤《田》

28.

杏花飞帘散余春，明月入户寻幽人。褰衣步月踏花影，炯如流水涵青苹。
花间置酒清香发，争挽长条落香雪。山城薄酒不堪饮，劝君且吸杯中
月。洞箫声断月明中，惟忧月落酒杯空。明朝卷地春风恶，但见绿叶栖
残红。——苏轼《月夜与客饮酒杏花下》

29.

春草芊芊晴扫烟，宫城大锦红殷鲜。海日初融照仙掌，淮王小队纓铃响。
猎猎东风焰赤旗，画神金甲葱龙网。钜公步辇迎句芒，复道扫尘燕彗
长。豹尾竿前赵飞燕，柳风吹尽眉间黄。碧草含情杏花喜，上林莺啭游
丝起。宝马摇环万骑归，恩光暗入帘栊里。——温庭筠《汉皇迎春词》

30.

杨柳凄迷晓雾中，杏花零落五更钟。寂寂景阳宫外月，照残红。蝶化彩衣金缕尽，虫衔画粉玉楼空。惟有无情双燕子，舞东风。——陈子龙《山花子·杨柳凄迷晓雾中》

31.

含泪坐春宵，闻君欲度辽。绿池荷叶嫩，红砌杏花娇。曙月当窗满，征云出塞遥。画楼终日闭，清管为谁调。——李商隐《清夜怨》

32.

乱山四倚，人马崎岖行井底。路逐峰旋，斜日杏花明一山。销沉就里，终古兴亡离别意。依旧年年，迢迢骡网度上关。——王国维《减字木兰花·乱山四倚》

33.

古陵寒雨集，高鸟夕阳明。高情千里外，长啸一声初。月离山一丈，风吹花数苞。晓来山鸟闹，雨过杏花稀。——周朴《句》

34.

不逐浮云不羨鱼，杏花茅屋向阳居。鹤鸣华表应传语，雁度霜天懒寄书。——刘商《归山留别子侄二首》

35.

松径隈云到静堂，杏花临涧水流香。身从乱后全家隐，日校人间一倍长。金篆渐加新品秩，玉皇偏赐羽衣裳。何如圣代弹冠出，方朔曾为汉侍郎。——陆龟蒙《王先辈草堂》

36.

长钗坠发双蜻蜓，碧尽山斜开画屏。虬须公子五侯客，一饮千钟如建瓴。鸾咽夭唱圆无节，眉敛湘烟袖回雪。清夜恩情四座同，莫令沟水东西别。亭亭蜡泪香珠残，暗露晓风罗幕寒。飘飘戟带俨相次，二十四枝龙画竿。裂管萦弦共繁曲，芳樽细浪倾春醪。高楼客散杏花多，脉脉新蟾如瞪目。——温庭筠《夜宴谣》

37.

射策明时愧不才，敢期青律变寒灰。晴怜断雁侵云去，暖见醯鸡傍酒来。
箭发尚忧杨叶远，愁生只恐杏花开。曲江春浅人游少，尽日看山醉独回。
——卢肇《射策后作》

38.
流水君恩共不回，杏花争忍扫成堆。残春未必多烟雨，泪滴闲阶长绿苔。
——郑谷《相和歌辞·长门怨》

39.
苏溪亭上草漫漫，谁倚东风十二阑。燕子不归春事晚，一汀烟雨杏花寒。
——戴叔伦《苏溪亭》

40.
一陂春水绕花身，花影妖娆各占春。纵被春风吹作雪，绝胜南陌碾成尘。
——王安石《北陂杏花》

41.
绿杨红杏满城春，一骑悠悠万井尘。岐路未关今日事，风光欲醉长年人。
闲过绮陌寻高寺，强对朱门谒近臣。多病晚来还有策，雒阳山色旧相亲。
——杨巨源《将归东都寄令狐舍人》

42.
刘超游召郗诜陪，为忆池亭旧赏来。红杏花旁见山色，诗成因触鼓声回。
——黄滔《和陈先辈陪陆舍人春日游曲江》

43.
流水君恩共不回，杏花争忍扫成堆。残春未必多烟雨，泪滴闲阶长绿苔。
——郑谷《长门怨二首》

44.
仙杏一番新，妖饶洗露晨。待妆忧粉重，欲点要酥匀。月淡斜分影，池清倒写真。
君须怜旧物，曾伴曲江春。——文同《杏花》

45.

天上碧桃和露种，日边红杏倚云栽。芙蓉生在秋江上，不向东风怨未开。
。——高蟾《下第后上永崇高侍郎》

46.

春日游，杏花吹满头。陌上谁家年少，足风流？妾拟将身嫁与，一生休。
。纵被无情弃，不能羞！——韦庄《思帝乡·春日游》

47.

蓓蕾枝梢血点乾，粉红腮颊露春寒。不禁烟雨轻欺着，只好亭台爱惜看。
。隈柳帝桃斜欲坠，等莺期蝶猛成团。京师巷陌新晴后，卖得风流更一端。
。——林逋《杏花》

48.

谢恩新入凤凰城，乱定相逢合眼明。千万求方好将息，杏花寒食的同行。
。——王建《留别张广文》

49.

欲寻春去怕春休，又值春阴不得游。寂寞西园风雨里，杏花比客更多愁。
。——高启《期诸友看范园杏花风雨不果》

50.

南园满地堆轻絮，愁闻一霎清明雨。雨后却斜阳，杏花零落香。无言匀
睡脸，枕上屏山掩。时节欲黄昏，无聊独倚门。——温庭筠《菩萨蛮》

51.

莫道商山节候犀，晓来帘外半空枝。明朝落尽无蜂蝶，冷暖人情我最知。
。——王禹偁《和仲咸杏花三绝句》

52.

溪上残春黄鸟稀，辛夷花尽杏花飞。始怜幽竹山窗下，不改清阴待我归。
。——刘长卿《晚春归山居题窗前竹》

53.

万里叠嶂翠，一心浮云闲。羽人杏花发，倚树红琼颜。流水杳冥外，女

萝阴荫间。却思人间世，多恐不可还。青鸟飞难远，春云晴不闲。但恐五灵车，山上复有山。——鲍溶《怀尹真人》

54.

杏花燕市春随马，枫叶钱塘夜泊船。——王鏊《送杨尚絅杨名甫毛贞甫陆全卿四进士归省·其二·名甫》

55.

不学梅欺雪，轻红照碧池。小桃新谢后，双燕却来时。香属登龙客，烟笼宿蝶枝。临轩须貌取，风雨易离披。——郑谷《杏花》

56.

青阳初入律，淑气应春风。始辨梅花里，俄分柳色中。依微开夕照，澹荡媚晴空。拂水生蘋末，经岩触桂丛。稍抽兰叶紫，微吐杏花香。愿逐仁风布，将俾生植功。——柳道伦《赋得春风扇微和》

57.

扬子澄江映晚霞，柳条垂岸一千家。主人留客江边宿，十月繁霜见杏花。——刘商《白沙宿窦常宅观妓》

58.

莫倦寻春去，都无百日游。更堪正月过，已是一分休。泉暖声才出，云寒势未收。晚来重作雪，翻为杏花愁。——李建勋《正月晦日》

59.

寄花寄酒喜新开，左把花枝右把杯。欲问花枝与杯酒，故人何得不同来？——司空图《故乡杏花》

60.

春到青门柳色黄，一梢红杏出低墙，莺窗人起未梳妆。绣帐已阑离别梦，玉炉空袅寂寥香。闺中红日奈何长。——冯延巳《浣溪沙·春到青门柳色黄》

61.

赵村红杏每年开，十五年来看几回。七十三人难再到，今春来是别花来。
。——白居易《游赵村杏花》

62.

好花容易占春光，十二阑杆倚额妆。寄语曲江春燕子，共邀雨露待新郎。
。——蒋伟《杏花春雨》

63.

宜烟宜雨又宜风，拂水藏村复间松。移得萧骚从远寺，洗来疏净见前峰。
。侵阶藓拆春芽迸，绕径莎微夏荫浓。无赖杏花多意绪，数枝穿翠好相容。
。——郑谷《竹》

64.

半醉别都门，含凄上古原。晚风杨叶社，寒食杏花村。薄暮牵离绪，伤春忆晤言。
。年芳本无限，何况有兰孙。——温庭筠《与友人别》

65.

去年涧水今亦流，去年杏花今又拆。山人归来问是谁，还是去年行春客。
。——韦应物《因省风俗，访道士侄不见，题壁》

66.

萋萋麦陇杏花风，好是行春野望中。日暮不辞停五马，鸳鸯飞去绿江空。
。——羊士谔《野望二首》

67.

杏花燕月人俱远，枫叶吴霜思独悬。——王鏊《送杨尚絅杨名甫毛贞甫陆全卿四进士归省·其四·全卿》

68.

杏花墙外一枝横，半面宫妆出晓晴。看尽春风不回首，宝儿元自太憨生。
。——元好问《杏花杂诗》

69.

小树嫣然一两枝，晴醇雨醉忽相宜。绝怜欲白仍红处，政是微开半吐时

。得幸东风无与对，主张春色郟还谁。海棠穠丽梅花淡，匹似渠侬别样奇。——杨万里《郡圃杏花》

70.

细泻谷帘珠颗露，打成寒食杏花饧。——杨万里《陈蹇叔郎中出闽漕，别送新茶。李圣俞郎中出》

71.

剪裁用尽春工意，浅蘸朝霞千万蕊。天然淡泞好精神，洗尽严妆方见媚。风亭月榭闲相倚。紫玉枝梢红蜡蒂。假饶花落未消愁，煮酒怀盘催结子。——柳永《木兰花·杏花》

72.

曲台晴好望，近接梵王家。十亩开金地，千株发杏花。带云犹误雪，映日欲欺霞。紫陌传香远，红泉落影斜。园中春尚早，亭上路非赊。芳景偏堪赏，其如积岁华。——沈亚之《曲江亭望慈恩杏花发》

73.

曲江春半日迟迟，正是王孙怅望时。杏花落尽不归去，江上东风吹柳丝。——温庭筠《长安春晚》

74.

洛阳正值芳菲节，秾艳清香相间发。游丝有意苦相萦，垂柳无端争赠别。杏花红处青山缺，山畔行人山下歇。今宵谁肯远相随，惟有寂寥孤馆月。——欧阳修《玉楼春·洛阳正值芳菲节》

75.

一去潇湘头欲白，今朝始见杏花春。从来迁客应无数，重到花前有几人。——张籍《同白侍郎杏园赠刘郎中》

76.

东城渐觉风光好。縠皱波纹迎客棹。绿杨烟外晓寒轻，红杏枝头春意闹。浮生长恨欢娱少，肯爱千金轻一笑。为君持酒劝斜阳，且向花间留晚照。——宋祁《玉楼春·春景》

77.

溪水东流日转西，杏花零落草萋迷。山翁既醒已然醉，野鸟如歌复似啼。六代寝陵埋国媛，五陵车马斗家姬。邻东谢却看花伴，陌上无心手共携。——唐寅《落花图咏》

78.

东望青天周与秦，杏花榆叶故园春。野寺一倾寒食酒，晚来风景重愁人。——张祜《巴州寒食晚眺》

79.

风回云断雨初晴，返照湖边暖复明。乱点碎红山杏发，平铺新绿水蘋生。翅低白雁飞仍重，舌涩黄鹂语未成。不道江南春不好，年年衰病减心情。——白居易《南湖早春》

80.

买得杏花，十载归来方始坼。假山西畔药阑东，满枝红。旋开旋落旋成空，白发多情人更惜。黄昏把酒祝东风，且从容。——司空图《酒泉子·买得杏花》

81.

湾头见小怜，请上琵琶弦。破得春风恨，今朝值几钱。裙垂竹叶带，鬓湿杏花烟。玉冷红丝重，齐宫妾驾鞭。——李贺《冯小怜》

82.

莲叶团团杏花拆，长江鲤鱼鳍鬣赤。念君少年弃亲戚，千里万里独为客。谁言远别心不易，天星坠地能为石。几时断得城南陌，勿使居人有行役。——张籍《杂曲歌辞·远别离》

83.

黯黯日将夕，牛羊村外来。岩阿青气发，篱落杏花开。草木应初感，鶺鴒亦已催。晚间春作好，行乐不须猜。——欧阳衮《田家》

84.

云阙朝回尘骑合，杏花春尽曲江闲。怜君虽在城中住，不隔人家便是山

。——元稹《题李十一修行里居壁》

85.

郊外杏花坼，林间布谷鸣。原田春雨后，谿水夕流平。野老荷蓑至，和风吹草轻。无因共沮溺，相与事岩耕。——李德裕《忆平泉杂咏·忆春耕》

86.

春物竞相妒，杏花应最娇。红轻欲愁杀，粉薄似啼绡。愿作南华蝶，翩翩绕此条。——吴融《杏花》

87.

细雨蒙蒙入绛纱，湖亭寒食孟珠家。南朝漫自称流品，宫体何曾为杏花。——温庭筠《春日雨》

88.

风流大抵是侬侬，此际相思必断肠。云薄月昏寒食夜，隔帘微雨杏花香。——韩偓《寒食夜有寄》

89.

一枝红杏出墙头，墙外行人正独愁。长得看来犹有恨，可堪逢处更难留！林空色暝莺先到，春浅香寒蝶未游。更忆帝乡千万树，澹烟笼日暗神州。——吴融《途中见杏花》

90.

刘超游召郗诜陪，为忆池亭旧赏来。红杏花旁见山色，诗成因触鼓声回。——黄滔《陪陆舍人春日游曲江》

91.

凤策联华是国华，春来偶未上仙槎。乡连南渡思菰米，泪滴东风避杏花。吟聒暮莺归庙院，睡消迟日寄僧家。——郑谷《同志顾云下第出京偶有寄勉》

92.

石梁度空旷，茅屋临清炯。俯窥娇饶杏，未觉身胜影。嫣如景阳妃，含笑堕宫井。怳怅有微波，残妆坏难整。——王安石《杏花》

93.

千里长安名利客，轻离轻散寻常。难禁三月好风光。满阶芳草绿，一片杏花香。记得年时临上马，看人眼泪汪汪。如今不忍更思量。恨无千日酒，空断九回肠。——刘彤《临江仙·千里长安名利客》

94.

冰雪肌肤香韵细，月明独倚阑干。游丝萦惹宿烟环。东风吹不散，应为护轻寒。素质不宜添彩色，定知造物非悭。杏花才思又凋残。玉容春寂寞，休向雨中看。——刘秉忠《临江仙·梨花》

95.

最有杏花繁，枝枝若手抟。须知一春促，莫厌百回看。鸟啭风潜息，蜂迟露未干。可容排饮否，兼折赠头冠。——李建勋《春日小园晨看兼招同舍》

96.

一枝红艳出墙头，墙外行人正独愁。长得看来犹有恨，可堪逢处更难留。林空色暝莺先到，春浅香寒蝶未游。更忆帝乡千万树，澹烟笼日暗神州。——吴融《途中见杏花》

97.

忆昔午桥桥上饮，坐中多是豪英。长沟流月去无声。杏花疏影里，吹笛到天明。二十余年如一梦，此身虽在堪惊。闲登小阁看新晴。古今多少事，渔唱起三更。——陈与义《临江仙·夜登小阁忆洛中旧游》

98.

眼前何事不伤神，忍向江头更弄春。桂树既能欺贱子，杏花争肯采闲人。麻衣未掉浑身雪，皂盖难遮满面尘。珍重列星相借问，嵇康慵病也天真。——李山甫《下第卧疾卢员外召游曲江》

99.

春物竞相妒，杏花应最娇。红轻欲愁杀，粉薄似啼销。愿作南华蝶，翩翩绕此条。——吴融《杏花》

100.

云母空窗晓烟薄，香昏龙气凝晖阁。霏霏雾雨杏花天，帘外春威著罗幕。曲阑伏槛金麒麟，沙苑芳郊连翠茵。厩马何能啮芳草，路人不敢随流尘。——温庭筠《阳春曲》

本文链接：<https://duanjuziku.com/duanjuzi/ap19h98qi1.html>